

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।

लक्ष्मण गजमाल 'चिलिमि'
प्रोप्राइटर

लाखा छँ

LAKHA CHHEN



सोद्वखुटे, वडा नं. १६, येँ, फोन नं.: ८३६०७५८

थुकि दुने



मांभाय पत्रकारिता विकासय विद्यासुन्दरया पला:
नृपेन्द्रलाल श्रेष्ठ - २



'यल मनां छगु करोड बीगु घोषणां जिपि तसकं उत्साहित'
-३

नेवा: सकिपाय न्हू पुस्ता
विजयरत्न असंबरे -६



ब्लो-अप

गुञ्जमान शाक्य
स्वास्थ्यक:मि

चन्द्रागिरी नगरपालिकाय अप्पा उद्योगया विरोध व समर्थन आदिवासी व आप्रवासीया इगो जकं ख:ला कि ?

लहना संवाददाता

राज्यया राजधानी केन्द्रित विकास योजनां राजधानीबासीयात धा:सा समस्या दुने मेगु समस्याय लाका यंकाच्वंगु दु । सडक दयकूसां थन हे, फास्ट ट्रायाक नं थन हे, राज्यया दक्व धइथें ज्याकू नं थन हे । अलय थ्व सकतां कथंया संरचना दयकेत छें वनी, बुँ वनी थनया आदिवासीया हे । अलय राजधानी तापाकक गामय च्वीपिनि नं समस्या हे । छुं नं सिफारिस कायमा:सा वा छुं नं सरकारी ज्याखँ पूर्वकेत राजधानीइ हे वयमा:गु । लजगा:या ह्व:ता: मदुगु हुनि नं अवर मालेत राजधानीइ हे वयमा:गु । संघीयता वयधुंका: थजा:गु परिस्थिति मदइगु आशा दुगु ख:, तर आ:तक ला छुं कथंया ह्युपा: महसूस याय मखनि । बरु देयन्कया मनूत राजधानीइ हे कातुकाका: च्वनेमा:बलय आदिवासी व आप्रवासी दथुइया समस्या धा:सा त:धना वन । आप्रवासीयात सतक मगा:सा आदिवासीया छें थुनेमा:गु, आदिवासीया उद्योग, व्यापार आप्रवासीया समस्या जुल धा:सा बन्द यायमा:गु । थुकिया लिपिगु दसू चन्द्रागिरी नगरपालिका दुनेया अप्पा भट्टा उद्योग जगु दु । पिने व:पि आप्रवासीतयसं अन न्ह्यानाच्वंगु अप्पा उद्योग बन्द यायमाल धका: चन्द्रागिरी नगरपालिकायात ज्ञापनपौ ल:ल्हा:गु दुसा स्थानीय आदिवासी उद्योग थ:पिन्त छुं हे



'छुं सीमित मनूतसें थ:गु निहीत स्वार्थया निति भ्रामक प्रचारबाजी याना: उद्योगय आश्रित द्रलंद्र:या मजदुरतयत् बिचल्ली यायत् स्व:गु जक मखु, स्थानीय दंदं न्ह्य:निसें न्ह्याकाव:गु उद्योग बन्द याना: भारतं आयात यायत् स्वयाच्वंगु कमिसनया कासा नं ख: थव ।'

आपति मदुगु धासें ध्यानाकर्षण पौ ब्यूगु दु । येँ चन्द्रागिरी नगरपालिका दुने सतुङ्गल, बलम्बु क्षेत्रय न्ह्यानाच्वंगु अप्पा उद्योगी, मजदुर व उगु हे थायया रैथाने स्थानीय बासिन्दा आन्दोलनय कुहांवल दु । मेथासं बाय हिला: थौंकन्हय उगु क्षेत्रय च्ववीपि न्हूरीपि बासिन्दातसें अप्पा भट्टा चीकेमा:गु माग यासें चन्द्रागिरी नगरपालिकाय ज्ञापन पौ ल:ल्हायधुंका: स्थानीय बासिन्दा आन्दोलित जगु ख: । थ:पिनिगु जाप्य: लाका कायत्

स्व:गु धासें भट्टा संचालक उद्योगी, मजदुर व अनया स्थानीय बासिन्दा वंगु शुक्रबा: आन्दोलन न्ह्याकूगु ख: । थ:गु ज्या याना: याउँक म्वाय दयमा:गु माग च्वयात:गु प्लेकार्ड, ब्यानर ज्वना: द्रलंद्र:या ल्याखय मनूत प्रदर्शनय कुहांवल । स्थानीय अप्पा भट्टा उद्योगया समर्थनय जगु प्रदर्शनय परम्परागत बाजिलसें मौलिक भेषभुषाय स्थानीयया नं उलि हे ल्याखय ब्वति दुगु ख: ।

त्यं ७ पेजय

थुगुसी नं नेपाल प्रहरी
बेरुजु फछ्योर्टय उत्कृष्ट



येँ । गृह मन्त्रालय नं प्रहरी महानिरीक्षक सर्वेन्द्र खनालयात पुरस्कृत याइगु जगु दु । बेरुजु फछ्योर्टय उत्कृष्ट ज्या या:गु धका: मन्त्रालय नं महानिरीक्षक खनालयात भिद्र: तकालिसें पुरस्कृत यायगु क्व:छ्यगु ख: । बेरुजु फछ्योर्ट मूल्यांकन तथा अनुगमन समिति महानिरीक्षक खनाललिसें न्यामह प्रहरी कर्मचारीयात पुरस्कृत यायगु क्व:छ्यगु ख: ।

नेपाल प्रहरी बेरुजु फछ्योर्टय हाकनं उत्कृष्ट जुइत ता:ला:गु ख: । प्रहरी २०७४ व २०७५तक कुल बेरुजु धेवा मध्ये ८८.५०गु प्रतिशत बेरुजु फछ्योर्टया:गुलिं उत्कृष्ट जुइत ता:ला:गु ख: ।

आर्थिक वर्ष २०७४/०७५या लेखा परीक्षण जगु ल्याखय १.८०गु प्रतिशत जक बेरुजु यायत ता:ला:गु ख: । बेरुजु फछ्योर्टय प्रगति या:गुलिं गृह मन्त्रालय न्हयथंगु दु ।

त्यं ७ पेजय

धवाखाबहा:या नास:घ:या देग: जिर्णोद्धार लिपा उलेज्या



येँ महानगरपालिकाया प्रमुख विद्यासुन्दर शाक्य येँ महानगरया संस्कृति, सम्पदाया संरक्षणय छुं नं कुत: ल्यंका मतयगु धयादीगु दु । येँया धवाखाबहालय पुन:निर्माण क्वचा:गु नास:घ:या देग: उलेज्या यानादिसें प्रमुख शाक्य येँया देग:, फल्चा, विहारआदि लिसेंया साँस्कृतिक सम्पदा संरक्षणया दायित्व स्थानीय सरकारयागु हे जगु धासें सम्बन्धित खल:, गुथियात संरक्षणया निति फक्व व माक्व ग्वाहालि यायत् येँ महानगरपालिका तयार दुगु धयादिल ।

वंगु आइतबा: छगु ज्याइव:या दथुइ शाक्य धवाखाबहा:या नास: चुकय जिर्णोद्धार जगु नास:घ:या देग: उलेज्या यानादीगु ख: । मुककं ५गु लख ६६: व ९९० तका लागतय जिर्णोद्धार या:गु देग:या पुन:निर्माणया निति येँ महानगरपालिका वडा ल्या: २५ ज्याकूपाखें ३गु लख २०६: तका ग्वाहालि जगु ख:सा मेगु धेवा जनसमुदायपाखें मुकूगु ख: । ज्याइव:या सम्बोधन यानादिसें शाक्य कुत: यात

त्यं ७ पेजय



सम्पादकीय



नाराय् जक सीमित जूगु भ्रष्टाचारय् शून्य सहनशीलता

नकीतिनि नेपाल उद्योग परिसंघ पितब्यूगु छगू अध्ययनकथं नेपालय् भ्रष्टाचारया ग्यानापूगु अवस्था दु। परिसंघ द्वःछि स्वयां अप्वः उद्योगीयाके याःगु अध्ययनकथं निजी क्षेत्रया चीधंग व तःधंगु व्यवसायीतसें व्यवसायिक ज्या सम्पादनया इवल्य थ्यंमथ्यं ३५गु प्रतिशत तक घुस बीमाःगु तथ्य खनेदु। गुलिखे अवस्थाय् निजी क्षेत्र आम्दानीया ५७गु प्रतिशत तक घुसय् खर्च याय्माःगु न्यथनातःगु दु।

उद्योग व्यवसायीतसें व्यवसाय दर्ता प्रकृत्यानिसें हे घुस वा टिप्स बीमाःगु खँ न्यथनातःगुलिं न छम्ह मनुखं व्यवसाय शुरुवात याय्त न गुलि घुस बीमाःगु अवस्था दु धइगु खँ यच्चुका ब्यूगु दु। छगू क्षेत्रय् जक याःगु अध्ययन थजाःगु ग्यानापूगु अवस्था दुगु खःसा नेपालय् भ्रष्टाचार गुलि च्वन्त्याय्धुकल धइगु खँयात साधारण जनतां अनुमान याय्फु। खय्त ला वर्तमान उर्जा मन्त्री वर्षमान पुनं तक छगू क्षेत्रय् जक मखु, सामाजिक संरचना हे भ्रष्टाचारमय जुइधुकूगु धयादीगुलिं धाथ्ये नेपालय् भ्रष्टाचार शून्य सहनशीलता गन थ्यनाच्चंगु दु धइगु खँय् अप्वः छ्यं स्याकाच्चनेमाःगु अवस्था मदु। चुनावय् भोट फवनेगु इलय् स्थानीय क्लब, पुचः अलय् ल्याय्महतयत् धेवा मबीक भोट हे बीमखु धइगु मन्त्री पुनया धापूर्ति नेपालय् भ्रष्टाचारया अवस्था गन दु, अलय् चाःहिकाः थ्व गन बैध जक खःला धइगु आशय ब्वलंगु दु। नेपाःया परिवेशय् थ्व छगू तःधंगु विडम्बना खः धाःसां पाइमखु। अथे हे कर्मचारीत न व हे लकसय् ब्वलंगुलिं भ्रष्टाचारयात न्हंकेत यक्व हे कसरत याय्माःगु धइगु वय्कःया आशय खनेदु।

भ्रष्टाचारया ल्वय नेपालय् जक मखु, विश्वय् हे छगू ग्यानापूगु ल्वय कथं विकसित जुजुं वनाच्चंगु दु। अफ्रिका नेपालय् थुकिया अवस्था भन् हे ग्यानापु धइगु अध्ययन क्यनाच्चंगु दु। देस विकासया नितिं औद्योगिकरणया आवश्यकता जक मखु, थुकिया विकासया नितिं नेपाल सरकार बः न बियाच्चंगु दु। तर छम्ह व्यवसायी थःगु व्यवसाय याय्गु नितिं घुस बीमाःगु अलय् उकियात निरन्तरता बीगु नितिं आम्दानीया स्वब्वय् छव घुसय् फ्याय् माःगु अवस्था नेपाःया आर्थिक विकास गबलय् जुइ धकाः न्यसः तःसां न छुं पाइमखु। नेतातसें भाषणय् नेपाल न्यादँया दुने भारतया विकासयात व चीनया विकासयात भिदँया दुने नापलाकेगु धकाः धाय्गु गुलि अःपू देसय् ब्वलनाच्चंगु भ्रष्टाचारयात छक्वः दुवालाः थुकियात न्यूनीकरण याय् उलि हे थाकु, अलय् नेपाःया भ्रष्टाचारया अध्ययन यानाः थुकियात गुकथं म्हे याय्गु धइगु खँय् न्यथ्य्चा बांलाइ। खय्त ला भ्रष्टाचार राजनीतिक शक्तिया लिधंसाय् ब्वलनाच्चंगु दु धइगु खँय् धइगु निगू मत मदु।

राजनीतिक मनुत सरकारय् वनेधुंकाः भ्रष्टाचारयात न्यूनीकरण याय्गु नितिं न्यायक हे शून्य सहनशीलता नारा ब्यूसां भ्रष्टाचार निवारणया नितिं क्वातुकक योजनाया नापनापं कार्यान्वयन पक्षयात सबल याइमखु, उबलय् तक न्यायक हे शून्य सहनशीलता धाःसां लिच्चः शून्य जक मखु, माइन्स हे जुयाच्चनी।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिसं छ्वयादीगुयात थुगु वाःपतिइ थाय् बियाच्चना। पिदंगु च्वसुयात उचित पारिश्रमिक बीगु न सुचं बियाच्चना।

लहना वाःपौ
भोछे, यँ

lahana.news@gmail.com

मांभाय् पत्रकारिता विकासय् विद्यासुन्दरया पलाः

महानगरया समाचार कःघाय्त् योगदान बियाच्चपिं भिम्ह पत्रकारतय्त् सुशासन पत्रकारिता सिरपालं सम्मान यात। विद्यासुन्दर शाक्य प्रमुखय् निर्वाचित जुयावय् धुंकाः थ्व सम्मानया महत्त्व भीगु नितिं थहांवंगु दु।



नृपेन्द्रलाल श्रेष्ठ

यँ महानगरपालिकाया नितिं छगू महत्त्वपूर्ण दिं। यँ महानगरपालिका घोषणा जूगु दिक्थं थुगु दियात यँ महानगरपालिका दँयदसं महानगर दिवसकथं हनावःगु दु। थुगुसिया महानगर दिवस विशेष हे जुल। छगू ला थुगुसि २५क्वःगु महानगर दिवस जुल। महानगरया रजत जयन्ति जूगु ल्याखं न थुगुसिया दिवस विशेष जूगु जुल। उकिया नापं करदातातयत् सम्मान, कर्मचारीयात दीर्घसेवा पदकलिसें परम्परागत बाजंगुरुपिन्त सम्मान, पत्रकारतयत् सुशासन पत्रकारिता सिरपालःलिसें महानगर दिवस नापं महानगर महोत्सव हे जूबलय् न भन् विशेष दय् का बिल।

थुगुसि महानगर दिवसया इवल्य याःगु सम्मानय् निगू विशेषकथं न्यथनेलिसें च्वछाय्बहःजू। यँ महानगरपालिकाया प्रमुख विद्यासुन्दर शाक्यपाखें २५क्वःगु महानगर दिवसया लसताय परम्परागत ज्यापु समुदायया ६३गू त्वाः गुरु, नायः समुदायया ६०गू त्वाः गुरु व गुला बाजंया ३०गू बाजं गुरुपिं नाप थुगुसिनिसे यँयाः इलय् पिहां वइगु दीप्याखं, सवः घः, पुलिकिसि व लाखे आजुया बाजं गुरुपिन्त हन। सकल बाजं गुरुपिन्त बसन्तपुली मुंकाः हनापौ व २५द्वः त्कालिसें सकलसिगु सम्मान जूबलय् व लू स्वयंबलय् धाथ्ये हे न्यथइपुस्से च्वं।

परम्परागत संस्कृति, सम्पदा संरक्षणया इवल्य थ्व च्वछाय्बहःगु पलाः धाय् हे माः। थन गुलिखे बाजं संस्कृति तना वनेधुकल। आर्थिक अभाव, ल्याय्मह पुस्तायात परम्परागत तजिलजिइ आकर्षित याय्मफूगु थजाःगु थीथी समस्या बाजं परम्पराय् खने दयाच्चंगु दु। यँ महानगरपाखें बाजं गुरुपिन्त ब्यूगु सम्मान परम्परागत बाजं स्यनाक्याः, सय्काः छुफाइदा जुइ धाइपिन्त छगू लिसः ला वःगु द हे दु। लिसें न्हना वनेत्यंगु व नेवाः तजिलजिइ मदय्कं मगाःगु आर्थिक अभाव यानाः न्यायके मफयाच्चंगु बाजं परम्पराया निरन्तरताय् न ग्वाहालि जुइ। उलि जक मखु, दिना हे वनेधुकूगु परम्परायात म्वाकेगु नितिं च्यूताः दय्का बी। निराशा अप्वयावंगु थासय् आशाया जः च्याकाब्यूगु दु, थुगु सम्मान।

२५क्वःगु महानगर दिवसया इवल्य मेगु च्वछाय्बहःगु ज्या धइगु पत्रकारिता सिरपाः न खः। महानगर बिटय् ज्या यानाच्चपिं, महानगरया गतिविधि, महानगरया समाचार कःघाय्त् योगदान बियाच्चपिं भिम्ह पत्रकारतयत् सुशासन पत्रकारिता सिरपालं सम्मान यात। खतु न्हापा कर्मचारीतयत्सं महानगर दिवस हनेगु यानाच्चबलय् न थुगु सम्मान मब्यूगु मखु। तर आः विद्यासुन्दर शाक्य प्रमुखय् निर्वाचित जुयावय् धुंकाः थ्व सम्मानया महत्त्व भीगु नितिं थहांवंगु दु।

थुगुसि च्याम्ह पत्रकार व निगू संचार गृह यानाः भिगू सुशासन पत्रकारिता सिरपाः लःल्हात। आः वयाः थुगु सिरपाःया छगू बांलाःगु पक्ष छु जुयाबिल धाय्बलय् भिगू सिरपाः मध्य स्वंगू नेवाः संचार ख्यःया नितिं हे फ्यानाब्यूगु दु। नेपालभाषा पत्रकारिता यानाच्चपिं निम्ह पत्रकार व छगू नेवाः सञ्चार गृहयात सुशासन पत्रकारिता सिरपाः लःल्हात। हनापौलिसें न्यय्दः तकाया सुशासन पत्रकारिता सिरपालं थुगुसिनेवाः संचार गृहकथं नेवाः अनलाइन न्यूज, भीगु डट कमपाखें रेखा शाक्य व लहना वाःपौपाखें नृपेन्द्रलाल श्रेष्ठयात थुगु सिरपाः बिल। आः मेमेगु दँय मेमेपिं नेपालभाषा पत्रकारिता यानाच्चपिं पत्रकार व नेवाः संचार गृह थुगु सम्मान सम्मानित जुजुं वनी। थ्व मातृभाषा पत्रकारिता ख्यःया नितिं अथवा नेवाः पत्रकारिता ख्यःया नितिं तःधंगु हःपाःया विषय जूगु दु।

थौया इलय् देय्न्त्यं धइथें बजाः दय् काः, तःधंगु क्षेत्रय् वने फयाच्चंगु खस भाषाया पत्रकारिता क्षेत्र हे न समस्या

नेपालभाषा अथवा मातृभाषा पत्रकारिता गुलितक्क थाकूगु ज्या खः धकाः। व हे कारणं न जुइमाः, भिगू सिरपाः मध्ये स्वंगू सिरपाः नेपालभाषा पत्रकारिताया नितिं हे धकाः फ्यानाः हःपाः बीगु ज्या विद्यासुन्दरपाखें जुल। थुगु सिरपालं यानाः नेपालभाषा पत्रकारिता यानाच्चपिं पत्रकारतय् मनोबल थहांवयाः थःगु समुदायप्रति उत्तरदायित्व बोध यानाः अफ्र प्रभावकारी ढङ्ग च्वसा न्यायकेत उत्साहित याइ।

थनथाय् निदँ न्यथः नेवाः पत्रकार राष्ट्रिय दबूपाखें न्हापांगु मातृभाषा पत्रकारिताया राष्ट्रिय सम्मेलन जूगु न लुमकेबहःजू। उगु सम्मेलन यानाः नेपालय् मातृभाषा माध्यम पत्रकारिता यानाच्चपिं सकलें छथाय् मुनेगु, सहलह ब्याकेगु लकस दय्कल। उगु इलय् व सम्मेलन न यँ महानगरपालिकाया हे ग्वाहालि जूगु खः। नेवाः पत्रकारतयत् माःगु इलय् ग्वाहालि बीगु नितिं धकाः पत्रकार दबुलिइ अक्षय कोष दय्केगु ज्या जुल। उगु अक्षय कोषया नितिं न यँ महानगरपाखें न्यागू लख तकाया ग्वाहालि जुल। थुकिं न नेवाः



नेवाः पत्रकारतयत् माःगु इलय् ग्वाहालि बीगु नितिं धकाः पत्रकार दबुलिइ अक्षय कोष दय्केगु ज्या जुल। उगु अक्षय कोषया नितिं न यँ महानगरपाखें न्यागू लख तकाया ग्वाहालि जुल। थुकिं न नेवाः सञ्चार क्षेत्र, नेवाः पत्रकारिता क्षेत्रया नितिं विद्यासुन्दर शाक्यया नुगः गुलि क्वसाः धइगु प्रमाणित यानाबिल।

फयाच्चंगु दु। खस भाषा हे पत्रकारिता याय्त् थाकूयाच्चंगु इलय् नेपालभाषा पत्रकारिता ला भन् हे तःधंगु हाथ्याल जाःगु विषय खः। आःया परिवेशय् स्वयंगु खःसा नेपालभाषा पत्रकारिता धइगु व्यावसायिक पत्रकारिता मजूसें छगू रह वा भाषाप्रति छुं याय् धइगु भावना, भाषिक अनुराग जक जुयाच्चंगु दु। थजाःगु अवस्थाय् विद्यासुन्दर शाक्य थः हे नेवाः पत्रकारिता क्षेत्रया समस्या थूमह व थः हे फयावःमह जूगु ल्याखं न खय्माः, वय्कलं नेवाः सञ्चारख्यःया नितिं बिचाः जक याःगु मखसें, पलाः हे न्यायकल।

यँ महानगरपालिका प्रमुख विद्यासुन्दर शाक्य थः हे न पत्रकारिता यानावःमह, अफ्र नेपालभाषा पत्रकारिताय् मन क्वसाःमह खः। न्हापा वय्कलं नेपालभाषाया न्हिपौ विश्वभूमि पत्रिकाय् लगानी हे यानाः ज्या यानादीगु दु। विश्वभूमि न्हिपौ छुं दँ पिहांवयाः लिपा दिनावन। व ल्याखं न विद्यासुन्दर शाक्य थःमह न स्यूगु हे जुल

सञ्चार क्षेत्र, नेवाः पत्रकारिता क्षेत्रया नितिं विद्यासुन्दर शाक्यया नुगः गुलि क्वसाः धइगु प्रमाणित यानाबिल।

महानगर दिवस न्हापा कर्मचारीतय्गु पालय् न मजुगु मखु, तर थथे प्रचारप्रसार व तःजिक मजू। यँ महानगरपालिकाय् विद्यासुन्दर शाक्य निर्वाचित जुयावय् धुंकाः वंगु दँनिसें परम्परागत बाजं गुरुपिन्त नीन्याइः तका व हनापौलिसें स्थानीय सरकारपाखें सम्मानित याय्गु ज्या तसकं च्वछाय्बहःगु ज्या जूगु दु। आःतक सताय् थ्यपिं न्यायमह हे स्वःसां थासय् थ्यन कि भाषा व समुदायात स्वाहाने दय्कीपिं जक हे खनेदत। लिपा भाषा, समुदाय, थाय्गाः सकतां ल्वःमंका हे छ्वल। तर विद्यासुन्दर शाक्य थः महानगर प्रमुख जुइधुंकाः न भाषा, समुदायप्रति जिम्मेवारी कयाः न्यायःवन। परम्परागत बाजं गुरुयात सम्मान, मातृभाषा पत्रकारिता यानाच्चपिं पत्रकार व सञ्चार गृहयात सम्मान थुकिया दसु जुयाब्यूगु दु।

‘यल मनपां छगू करोड बीगु घोषणां जिपि तसकं उत्साहित’

नेपाःया नाट्य परम्पराय् छगू ज्वःमदुगु व यलया हे बिस्किंगु म्हसीका दय्केत ताःलाःगु प्याखं खः “कात्ति प्याखं” । नेपाल सम्वत् ७६१स जुजु सिद्धिनरसिंह मल्लं न्ह्याकेब्यूगु कात्ति प्याखंयात हलिया हे ताःहाकःगु नाट्य परम्पराकथं कयातःगु दु । सिद्धिनरसिंह मल्लं न्यान्हतक कथनाः प्याखं लिपा वनाः श्रीनिवास मल्लं च्यान्हु तनाः १३नु कथन । अलय् योगनरेन्द्र मल्लं १४नु तनाः २७नु दय्कल । २००६ सालतक लच्छि कथनाः हाकनं इलय्बलय् न्ह्युनु, स्वन्हु जुजु थौकन्ह्यु १२नु कथनेगु यानाच्वंगु दु । थुकिया निरन्तरताया निति आर्थिक कोष बल्लाकेमाल धकाः कार्तिक नाच संरक्षण समिति सः थ्वयकाच्वंगु इलय् वंगु मंसिर २८ गते थुगुसिया कात्ति प्याखंया औपचारिक समापन समारोह जूगु इलय् यल महानगरपालिकाया प्रमुख चिरीबाबु महर्जनं कात्ति प्याखंया “१०गु करोडया अक्षय कोष” दय्केगु निति १ करोड तका ग्वाहालि बीगु घोषणा यानादिल । थ्व हे सन्दर्भय् लहना संवाददातां कार्तिक नाच संरक्षण समितिया दुजः *संजय शर्मा राजोपाध्याय*लिसे याःगु खँल्लाबल्हा न्ह्यव्वयाच्वना ।

छिकपिन्सं कात्ति प्याखंया निति १०गु करोडया अक्षय कोष स्थापना यायगु खँ लहानाच्वनादीबलय् यल महानगरपालिकां १गु करोड बीगु घोषणा यात । गथे तायाच्वंगु दु ?

थ्व छगू ऐतिहासिक घोषणाथें ताःगु दु जिमिगु निति । ५दँया दुने १०गु करोडया अक्षय कोष दय्केगु आज्जु न्ह्याः वनाच्वनागु दु जिपि । उकी यल महानगरपालिकाया प्रमुख चिरीबाबु महर्जनं महानगरपालिकापाखें १गु करोड तका बीगु घोषणा यानादिल, उकिं यानाः जिपिं तसकं उत्साहित जुयागु दु । आः जिमित ५दँ दुने मखु, स्वदँनिसें प्यदँ दुने हे १०गु करोडया आज्जु पूर्वकेफइथें जूगु दु । जिमित उगु घोषणा तःधंगु हःपाः जूगु दु । उकिया निति जिलिसें समितिपाखें चिरीबाबुजुयात सुभाय् नं बियाच्वना ।

प्रमुखपाखें थुगु उद्घोष जुइगु जानकारी छिकपिन्सं न्हापा हे दुगु खः कि प्रमुखं छक्वलं अन हे घोषणा यानादीगु खः ?

जिमित थ्व जानकारी न्हापा हे दुगु ला मखु । जिमिसं कात्ति प्याखंया समापन ज्याइवःया निति व्वनापौ ब्यूवनाबलय् अक्षय कोषयात कयाः प्रमुखयात जानकारी बियागु खः । जिमिसं १०गु करोडया अक्षय कोषया घोषणा यायत्यना, उकियात कयाः छिं छुं सम्बोधन याय् माली धयाबलय् वय्कलं ज्यू, जिं अन छिकपिन्सं छगू सरप्राइजकथं घोषणा याय् धयादिल ।

व स्वयां न्ह्यः कात्ति प्याखं जुयाच्वंगु हे इलय् प्याखं कथनेगु थाय् वडा ल्याः १६या वडाध्यक्ष निर्मलरत्न शाक्यं अक्षयकोषया निति मेगु दँय् वडाया बजेटपाखें १०गु लाख तकाया व्यवस्था यानावी धयादीगु । नरसिंह प्याखं कथनेकुन्हु प्रमुखजु म्यूजियमया इयालय् च्वनाः प्याखं स्वयाच्वनादीगु, उगु इलय् प्रमुखजुया न्हायपनय् थ्व खँ थ्यन । वडा बजेट १०गु लाख तका बीगु खःसा महानगरपालिकां हे १, २ अथवा १०, १२गु लाख बियां ला मजिल । वडाया दायित्व चीधंगु जुइ, केन्द्रया ला दायित्व तःधने हे माल ।

यल महानगरपालिकाय् २९गु वडा दु । संस्कृति संरक्षण कोषपाखें छगू छगू वडापाखें १गु लाख तका जक ब्यूसां २९गु लाख तका दइ धकाः सुभावा बियाबलय् थुकी नं बिचाः याय् धयादीगु खः । आः दीच्छ दुने १गु करोड तका बी धकाः धयादिल, व तसकं च्वछाय्बहःगु पलाः धाय्माः ।

१०गु करोड तकाया अक्षय कोष धयागु भचा अप्वः महत्वाकांक्षी बिचाः मज्जा ? १०गु करोड तका मछि मुके थाकु मज्जुइला ?

जिं स्वय् थाकुइ मखु । छगू ला यल महानगरपालिकापाखें हे १गु करोड तका बीगु घोषणा जुइ हे धुंकेल । आः ९गु करोड तकाया खँ ल्यंदत । व नं अःपुक हे मुनी ।

‘क’ वर्गया बैकतय् नाफाया १गु प्रतिशत संस्कृति विकासया निति ग्वाहालि यायगु प्रावधान दु धाःगु न्यनागु दु । यलय् भिगू, भिनिगू धइथें ‘क’ वर्गया बैक दु । व



न्हापा ला मैथिलि भाय् नं दुगु, तर मैथिलि भाय् ल्हाय्सःपिं मदयाः उकी आः मैथिलि भाय् लोप हे जुल । आः वयाः नेवाः भाय् ल्हाइपिं नं म्हो जुयाच्वन । भाय् ल्हाइपिं म्हो जूबलय् मसः मसः न्वाइबलय् व्याकरण पानाच्वनीगु, उच्चारण पानाच्वनीगु । थजाःगु थजाःगु समस्या यक्व हे वयाच्वन ।

बैकपाखें नाफाया १गु प्रतिशतया नं १गु प्रतिशत जक भूत ग्वाहालि ब्यूसां ज्यू । भूसिं व नं पहल यायत्यनागु दु । उकिया नापं बल्दं नेवाः अर्गनाइजेशनपाखें नं ग्वाहालि याय् धकाः आशवासन ब्यूगु दु । स्थानीय सरकारपाखें ग्वाहालि जुइधुंकाः केन्द्र सरकारपाखें नं ग्वाहालि कायत पहल यायगु जुइ । थुलि जुइबलय् १०गु करोड तकाया निति यक्व ग्वाहालि जुइधुंकी ।

थ्व प्याखं मेगु प्याखंथें मखु । थ्यंमथ्यं प्यसःदँ पुलांगु थ्व प्याखं आःतक गबलें छक्वः नं मद्युसे मदिकक न्ह्यानावःगु सम्भवतः छगू जक नाट्य परम्परा नं जुइ । आः ‘भिजिट नेपाल २०२०’या इवलय् लच्छितक कथनेगु आज्जु तयागु दु । कार्तिक महिनाया स्वन्तिया दिं स्वन्हु बन्द यानाः २७नु कथनेगु भीगु योजना दु । २७नुहत्क लगातार फरक फरक बाखनय् प्याखं न्ह्यव्वयगु जुइ । २००६ सालतक ला थुगु प्याखं लच्छि हे कथनावःगु खः । २००७ साल धुंकाः छक्वः नं लच्छितक कथनेज्या जुइमफुनि । आः ७१दँ लिपा आकिवं प्याखं लच्छि कथनेगु खसाः दु । थुकिं कात्ति प्याखंयात अन्तर्राष्ट्रियकरण यायत नं ग्वाहालि जुइ । उकिया नापं अमूर्त सम्पदाय् विश्व सम्पदा धलखय् नं कात्ति प्याखं दुथ्याकेगु जिमिगु खसाः दु । २७नुहत्क कथनीगु प्याखं हलिय् थ्व हे छगू जक खः धइगु जिमिगु दावी खः । अलय् २७नुहत्क मछि कथनीगु छगू जक प्याखं जूगु लिसें थ्यंमथ्यं प्यसः दँतक छक्वः नं मद्युसे अटुट रुपं न्ह्याना वयाच्वंगु प्याखं नं थ्व हे जक खः धइगु ल्याखं गिनिज बुकय् दुथ्याकेगु निति नं जिमिसं पहल यायत्यनागु दु । थ्व दक्व खँ पूर्वनीबलय् राष्ट्रिय

जक मखु, अन्तर्राष्ट्रिय ख्यलं तक नं ग्वाहालि काय्फइ । उकिं १०गु करोड तका मुकेत नं गाकं ग्वाहालि जूवनी । अलय् २०२०य् लच्छि कथनाः हाकनं १२नुहत्क कथनेगु ला कि लच्छि हे निरन्तर जुइ ?

लच्छि ला दँय्दसं कथनाच्वने थाकुइ । लच्छितक बांलाक प्याखं कथनेत ५०-६०गु लाख तका धेबा माली । आः १२नुहत्क कथनेत हे थाकुयाच्वंगु अवस्था । १०गु करोड तकाया अक्षयकोष दइबलय् १२नु कथनेगु लकस तयार जुइ । १२नुहत्क ला दँय्दसं हे कथनावनेगु जुइ । अलय् न्यादँय् छक्वः लच्छि कथनेगु जुइ ।

थन वडापाखें ग्वाहालि अथवा नगरपालिकापाखें ग्वाहालि वःगु खँ नं वयाच्वन । अलय् समापन समारोहस छिं हे छु छु वडापाखें ग्वाहालि मयाः धकाः सार्वजनिक रुपं नं न्वावानादिल । खास खँ छु खः ?

जिं थ्व नां कया हे धाय् । थ्व खँ जिं विशेष यानाः यल महानगरपालिका-१२यात हे धयागु खः । कात्ति प्याखं कथनेगु इवलय् प्याखं अन्ध्यास यायगु थायलिसें थुकिया ज्याकू वडा ल्याः १२य् लाः, अलय् प्याखं कथनेगु थाय् वडा ल्याः १६य् लाः । जिमिसं वडा ल्याः १२य् वनाः तःक्वः हे ग्वाहालि यायमाल धाः वना । न्ह्याबलें बजेट मद्यु जक धाइगु, द्रःछि दांया हे ग्वाहालि मद्यु । थुगुसी बल्ल बल्ल हालाः हालाः मत निप्वाः ग्वाहालि बिल, व नं अन तय्मद्यु, थन तय्माः धकाः मछिगु मछिगु खँ ल्हात । व्यक्तिगत रुपं वय्कः बांमलाःम्ह, ग्वाहालि याय् म्हाःम्ह मनु मखु, तर वडां छाय् बजेट पिकाय् मफूगु व मसिल । दाजुपिं हे खः, न्हापा नापं ज्या यानापिं हे खः ।

मतभेद छुं दुगु नं मखु । ज्याइवलय् सःतेत फोन याना, फोन नं ल्हवनामदी, ज्याइवलय् नं भायामदी । व छु कारणं खः, थुइके हे मफयाच्वन ।

छिकपिन्सं १०गु करोड तकाया अक्षय कोष दय्काः उकिया ब्याजं प्याखं न्ह्याकेगु धयाच्वनादिल । गन गन गुलितक खर्च माः छक्वः प्याखं न्ह्याकेबलय् ?

न्हापा थुगु प्याखं गबलें च्यान्हु, गबलें भिन्हु कथनावःगु । जिमिसं २०७१ सालय् कार्तिक नाच संरक्षण समिति जिल्ला प्रशासन कार्यालय, यलय् दर्ता यायधुंकाः १२नु कथना वयाच्वनागु दु । खर्चया खँ ल्हाय्बलय् कलाकारतय् तिसा, वसःलिसंया समाःज्वलं, कलाकारया पारिश्रमिक, स्वयम्सेवक, कलाकारलिसें मेमेपिन नय्गु व्यवस्था, यातायात, आदिलिसें यक्व पक्षय् खर्च याय्माः । कलाकारपिं लिसें सम्बद्ध सकलें लय्ताय्क, सकसितं चित्त बुभे जुइक ज्या याय्गु खःसा थ्यंमथ्यं १२गु निसें १५गु लखतका धेबा माः । तर थौकन्ह्यु धाःसा ५-६गु लख तका अप्वः म्हाय फयाच्वंगु मद्यु । थथे जूगु हुनि कलाकारतय् गुलि ज्या याय्गु इच्छा दु, गुलि बांलाकेगु इच्छा दयाः नं इच्छा ति याय् मफयाच्वंगु दु ।

थुलि महत्वं जाःगु प्राचीन प्याखंया मू समस्या धइगु आर्थिक जक हे खः कि मेगु नं छु समस्या दु ?

आःया सन्दर्भय् स्वय्गु खःसा कलाकारत नं माःकथं गाक ल्याखय् दयाच्वंगु हे दु । प्याखं स्यनेगु पक्षय् नं बां हे लानाच्वंगु दु, खास हे समस्या मद्यु । आःया तःधंगु समस्या धइगु भाषागत समस्या खनेदयाच्वंगु दु । प्याखं कथनेत संवाद ल्हाय्गु इवलय् नेपालभाषा न्वाय्माःगु, तर यथार्थ स्वल धाःसा आपाःसिया छँय् ल्याय्महतय् नेवाः भाय् मल्हाः, टिभिइ नं नेवाः भाय् म्हावः, आपाः यानाः हिन्दी ।

न्हापा ला मैथिलि भाय् नं दुगु, तर मैथिलि भाय् ल्हाय्सःपिं मदयाः उकी आः मैथिलि भाय् लोप हे जुल । आः वयाः नेवाः भाय् ल्हाइपिं नं म्हो जुयाच्वन । भाय् ल्हाइपिं म्हो जूबलय् मसः मसः न्वाइबलय् व्याकरण पानाच्वनीगु, उच्चारण पानाच्वनीगु । थजाःगु थजाःगु समस्या यक्व हे वयाच्वन ।

दकलय् लिपा लहना वाःपौया ब्वंमिपिन्सं धाय्मासि वःगु छुं खँ ?

दकलय् न्हापां लहना वाःपौयात थुलि खँ तय्गु ह्वःताः बियादीगुलिं आपालं सुभाय् दु । लिसें लहना वाःपौया सकल ब्वंमिपिन्सं नं कात्ति प्याखं न्ह्याकातय्गु निति ग्वाहालि यानादीत इनाप यानाच्वना । थुलि उलि वा अथे थथे धयागु खँ मद्यु, थःगु मनं गथे खँ, गुलि न्ह्याः स्वयाः ग्वाहालि यानादीत इनाप दु । भीगु देसय् ३गु करोड जनसंख्या दु । व ३गु करोड मध्ये नेवाः समुदायपाखें जक छम्हेसिगुपाखें द्रःछि द्रःछि जक ग्वाहालि जूसां १०गु करोड तकाया आज्जु पुवनेत ग्वाहालि जुइ । थ्व १०गु करोड तकाया अक्षय कोष स्थापना जुल धाःसा दँय्दसं प्याखं गथे न्ह्याकेगु धइगु चिन्ता कयाच्वनेमाली मखु, प्याखं न्ह्याकेत ग्वाहालि माल धकाः गनं ल्हाः फः जुइमाली मखु । थ्व भी सकलसिगु प्याखं, भी सकलसिगु म्हसीका खः । भीगु म्हसीका ल्यकातय् भी हे जाय् । सुभाय् ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.
ह्वनाछँ, पाको, न्हूसतक, यँ, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

राम प्रजापति
प्रोप्राइटर

हारती मिठाई भण्डार
(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं : ४२७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।





नाँ : सनिल शाही

माँ : सुमिता शाही रिज्जतकार

अबु : बुद्ध शरण शाही

थायबायू : येँ, २३ ओमबहाल।

बुदिं : २०५५ अषाढ २८

शिक्षा : अर्थशास्त्र न्हापांगु देँ

व्वति :

- प्रकाश कहाल खुला बक्सिङ्ग
- ८ औँ राष्ट्रिय खेलकुद
- तेस्रो गणेशमान सिंह नेसनल
- राखेप बक्सिङ्ग च्याम्पियनसीप
- थाईल्याण्ड ओपन बक्सिङ्ग
- १३ क्वःगु सागयू स्वर्ण पदक विजेता

नेवाः संकिपाय् न्हू पुस्ता

विजयरत्न असंबरे



ई हिलावालिसे न्ह्यागु नं ख्यलय् ह्युपाः वइगु स्वाभाविक खः । छुं नं ख्यलय् छ्ण पुस्ता पुलां जुया वनीसा न्हू पुस्ताया इण्ट्री जुयाच्चनी । अथे हे तुं संकिपाया ख्यलय् नं थजाःगु ह्युपाः वयातुं च्वं, अलय् न्हू पुस्ताया इण्ट्री जुयातुं च्वं । थ्व दैबदैया दुने नेवाः संकिपाया ख्यलय् न्हू इण्ट्री जूपिनिगु चर्चा यायबलय् दकलय् न्ह्यःने ला वइगु नां धइगु निकि महर्जन खःसा आः वया “छंगु जिगु माया रतन” नांया छ्ण न्हू संकिपाया लुखां सरोज श्रेष्ठ नांयाम्ह हिरो व लजना महर्जन नांयाम्ह हिरोइन इण्ट्री जुइत्यंगु दु ।

निकि मय्जुयात नेवाः संकिपाख्यलय् न्हापांगु पलाः न्ह्याकेत ह्वःताः ब्यूगु संकिपा धइगु “तिन तिकः महाबिकः” खः । थ्व “तिन तिकः महाबिकः” निकि महर्जनया नितिं जक न्हापांगु संकिपा मखुसे रेना महर्जन, अनुज डंगोल व योगेन ज्यापुया नितिं न्हापांगु पलाः खः ।

निकि महर्जन

“तिन तिकः महाबिकः” संकिपापाखें नेवाः संकिपाय् दुहां वःम्ह निकि महर्जन धइम्ह छम्ह प्रतिभां जाःम्ह कलाकारकथं कयातःगु दु । न्हापांगु संकिपाय् हे डबल रोल मिहतादीम्ह निकि निगुलिं रोलय् बांलाक्क अभिनय यानाः सकसिया नुगः त्याकादीगु खः । उलिजक मखुसे “पेजथ्री पिपुल्स च्वाइस अवार्ड”य् दकलय् बांलाःम्ह न्हूम्ह हिरोइनया सिरपाःतकं त्याकेत ताःलाःम्ह खः । छ्ण हे संकिपापाखें लोकह्वाःम्ह निकि महर्जनया हिसिमति पिवनेधुंकूगु दुसा आः “बीग बजेट” नेवाः संकिपा “च्वापुफय्”या नापनाप “जातः” संकिपा नं पिहां वइगु लैपुइ लानाच्चंगु दु ।

“तिन तिकः महाबिकः”पाखें वःपिं मेपिं कलाकारत

“तिन तिकः महाबिकः” संकिपाय् डेब्यू याःपिं मध्ये रेना महर्जन नं छम्ह खःसा योगेन महर्जन व अनुज डंगोलपिं नं व हे संकिपापाखें हिरोया रुपय् नेवाः संकिपाय् इण्ट्री याःपिं न्हू पुस्तात खः । आः वयाः अनुज डंगोल “हिसिमति” संकिपाय् पूर्णकाजी ज्यापुलिसे मंकाः निर्देशककथं नं पिल्वःगु दु । पूर्णकाजी ज्यापु नं छम्ह निर्देशकया रुपय् नेवाः संकिपाख्यःया नितिं न्यू इण्ट्री हे खः । अथे हे तुं थ्व हे “हिसिमति” संकिपाय् निकी महर्जनलिसे योगेन महर्जन हिरो जुयाः खनेदय्क वःगु दु ।

आराध्यलक्ष्मी खड्गी व आरएल महर्जन

नेवाः संकिपाय् न्यू इण्ट्रीकथं दुहां वःम्ह मेम्ह हिरोइन

धइम्ह आराध्यलक्ष्मी खड्गी खः । हुलाप्याखंया ख्यलय् बिस्कं हे थाय् दय्केधुंकूम्ह आराध्यलक्ष्मी हिरोइनया रुपय् खनेदय्क वय्त्यंगु संकिपाया नां “लिबाय् धुंकाः” खः । खय्त ला थ्व स्वयां न्ह्यः आराध्यलक्ष्मी नरेश सिंह हिरो जुयाः मिहतीगु धकाः क्वःछिना जूगु “दां म्दु बाउंरुचिया लैं नय्माः” संकिपाय् हिरोइन जुइगु क्वःछिना जूगु खः । गौतम तण्डुकारया निर्देशनय् दय्कीगु धकाः घोषणा जूगु थ्व संकिपा धाःसा आःतक दय्के फयाच्चंगु म्दुनि । “लिबाय् धुंकाः” संकिपाय् आराध्यलक्ष्मीलिसे हिरो जुयाः मिहताच्चंम्ह आरएल महर्जन नं नेवाः संकिपाख्यःया नितिं न्हू पुस्ता धाःसां पाइमखु । छाय्धाःसां “लिबाय् धुंकाः” स्वयां न्ह्यः आरएल “मू म्दुगु जिन्दगी” नांया छ्ण नेवाः संकिपा मिहतेधुंकूसां उलि पुलां वा थ्व ख्यलय् पलाः क्वातुके मलानिम्ह हिरो खः ।

सलोना बज्राचार्य

सलोना बज्राचार्यया चर्चा यायबलय् स्वाना वइगु संकिपाया नां धइगु “जेण्टलमायून” व “तंकाली” खः । थ्व निगुलिं संकिपाया घोषणा तःजिगु ज्याइवःया दथुइ जूगु खः, तर थ्व निगुलिं संकिपाया शुटिंग धाःसा आःतकं न्ह्याय् मफुनि । नेवाः संकिपाख्यःया नितिं छम्ह बांलाःम्ह हिरोइन जुइगु आश दुम्ह धकाः धयातःम्ह सलोनाया न्हापांगु पलाः हे थुकथं थाति लाःबलय् संकिपाय् पलाः नं थाति लानाच्चंगु दुसा थःगु अभिनयया प्याःचाः लंकेत नेपालमण्डल टेलिभिजनय् क्यनावयाच्चंगु “बाखंचा”या “ताःचाप्यौय्” बाखनय् मिहतलसा वयागु अभिनययात आपासिनं तारीफ हे याःगु खनेदत । बरु थौंकन्हय् सलोना बज्राचार्य कलिउड धकाः धयातःगु खस नेपाली संकिपाया प्रोडक्शनय् ज्या यानाच्चंगु दु । सलोनां ज्या याःगु प्रसाद नांया संकिपा पिहां वय्धुंकूगु दुसा आः “सेल्फ किङ्ग” याकनं हे पिहां वय्त्यंगु दु ।

रणेन्द्र व सुशिला

थुकथं स्वयंबलय् नेवाः संकिपाख्यलय् दुहां वय् त्यौपिनिगु धलः ताःहाः खनेदुसा थ्व दैबदैया दुहावःपिं मध्ये चर्चा यायबलय् धइपिं “स्वयनगु” संकिपाया रणेन्द्र

महर्जन व सुशीला तण्डुकार नं खः । थुकी हिरो हिरोइन जुया मिहताच्चौपिं रणेन्द्र व सुशीलाया अभिनय नं स्वय् बहःजुगुलिं ईपिं निम्हपाखें आसा थाय् थाय् यक्व हे दु । “स्वयनगु” संकिपाय् हिरोइन जुयाः मिहते न्ह्यः सुशीला तण्डुकार नेवाः संकिपाख्यलय् भिजुअल एडिटरकथं ज्या यानाः प्राविधिक ज्याय् अनुभव दुम्ह खःसा उगु संकिपाय् हिरोइन हे जुया मिहत्तुगु खः ।

“बसन्त ऋतु”या देन

“बसन्त ऋतु” संकिपाया निर्माता रामकृष्ण धिनां अलय् निर्देशक पवन जोशी धइपिं नेवाः संकिपाख्यःया पुलापिं संकिपाकःमि खः । तर इमिसं दय्कूगु थ्व संकिपाय् धाःसा न्हू पुस्तायात इण्ट्री याकूगु दु । थुकी हिरोइन जुया मिहताच्चंम्ह शोभा महर्जन छम्ह फेशन डिजाइनर व मोडलया रुपय् बिस्कं म्हसीका दुम्ह मय्जु खःसा “बसन्त ऋतु” वयागु डेब्यू संकिपा खः । थुकी हिरो जुया मिहत्तुम्ह किशोर चिपालु नं छम्ह सञ्चारकःमि व म्यूजिक भिडियो मोडलया रुपय् ज्या याना वयाच्चंम्ह खः । थौंकन्हय् किशोर चिपालु “घोषक” नांया संकिपाय् मिहताच्चंगु दु ।

अथे हे तुं थ्व हे “बसन्त ऋतु” संकिपाय् साइड हिरो जुयाः मिहत्तुम्ह सुरेश महर्जन नं नेवाः संकिपाया नितिं न्यू इण्ट्री हे खः । थ्व स्वयां न्हापा “तंकाली” संकिपाय् मिहतेगु क्वःछिनातःम्ह सुरेश महर्जनया इण्ट्री धाःसा “बसन्त ऋतु”पाखें जूगु दु । हुलाप्याखंख्यलय् थःगु म्हसीका दय्केधुंकूम्ह अनु महर्जन नं थ्व हे संकिपाया लुखां नेवाः संकिपाय् इण्ट्री याःगु दुसा राजी किपु महर्जन नं छम्ह नेगेटिभ कलाकारया रुपय् थ्व हे संकिपापाखें दुहां वःगु दु ।

शशीकला मानन्धर व “मां”या हिरो

नेवाः संकिपाया अभिनयख्यलय् न्यू इण्ट्री जुइत्यंम्ह शशीकला मानन्धर धइम्ह नेपालभाषाया साहित्यख्यलय् तसकं नांजाःम्ह साहित्यकार खः । बाखं व उपन्यासया नितिं नांजाःम्ह शशीकला मानन्धर नेपालभाषाया दकलय् न्हापांम्ह मिसा उपन्यासकार खः । न्हापान्हापा छुं छुं नाटकय् अभिनय यानादीधुंकूम्ह शशीकला मानन्धर

आः “मां” नांया संकिपाय् मू भूमिकाय् खनेदइगु जूगु दु । निर्देशकया रुपय् नेवाः संकिपाय् इण्ट्री जुइत्यंम्ह सुरेश खड्गीया “मां” संकिपाय् हिरो जुयाः सञ्जु खड्गी नं थ्व ख्यलय् दुहां वय्त्यंगु दु । थ्व सञ्जु खड्गी धइम्ह “मां” संकिपाया च्चमि शंकर खड्गीया काय् खः ।

पोखरां इण्ट्री याःपिं

आःतकया इतिहास स्वयंगु खःसा नेवाः संकिपा धइगु स्वनिगलय् दुनेजक दय्का वयाच्चंगु खनेदु । आः वयाः दकलय् न्हापांखुसी स्वनिगलं पिने पोखराय् “लमि” नांया छ्ण संकिपा दय्कूगु दु । थ्व संकिपाय् पोखराय् च्चनावयाच्चौपिं नेवाः कलाकारतसैं कलाकारया रुपय् मिहताच्चंगु दुसा थुकी विक्रम उदास लमिया मू भूमिका मिहताच्चंगु दु । अलय् लक्ष्मी महर्जनलिसें पोखराया कलाकारपिन्सं नेवाः संकिपाख्यलय् इण्ट्री याइगु थ्व संकिपाया निर्देशकया रुपय् यादव भोछिभोया नं नेवाः संकिपाया निर्देशककथं इण्ट्री जूगु दु ।

दकलय् लिपा

अथे हे तुं “घोषक” नांया छ्ण संकिपापाखें अञ्जली शाक्य नांयाम्ह छम्ह न्हूम्ह हिरोइन नेवाः संकिपाय् इण्ट्री जुइत्यंगु दुसा “जातः” संकिपाय् नं छम्ह न्हूम्ह हिरोइनकथं दुहां वय्त्यंगु दु । थ्व हे इवल्य् हास्य भूमिकाया नितिं नांजाःम्ह कलाकार पल्पसा डंगोल छम्ह संकिपा निर्देशककथं पलाः न्ह्याकेत्यंगु दुसा “ब्याः यानागु लच्छि म्दुनि” नांया संकिपाया लुखां मिलन श्रेष्ठ हिरो, अलय् लुमिला डंगोल हिरोइन जुयाः वय्त्यंगु दु । थ्व लुमिला धइम्ह पल्पसा डंगोलाया म्थ्याय् खः ।

नेवाः संकिपाया ल्याः अप्वःया वःलिसे थुकी पलाः न्ह्याकीपिनिगु ल्याः नं अप्वया वयाच्चंगु दु । थन न्ह्यब्वयापिं बाहेक नं आपालं कलाकार थ्व ख्यलय् इण्ट्री जुयाच्चंगु वा जुइत्यपिं नं यक्व हे दइ । थन च्चयापिं जक हे जक न्यू इण्ट्री खः, मेपिं मखु धकाः धइगु थ्व च्चसुया आशय मखु । मेपेपिं नं आपाल दइ धइगु खँय् छुं धाय्थाय् म्दु । वय्कःपिनिगु बारे नं पाय्छि ईय् च्चसा न्ह्याकेगु हे जुइ ।

३५ वर्षको अनुभव प्राप्त



निःसन्तान सेवा
मोटाहिटी

समय : बिहान ९ देखि १० बजेसम्म
सम्पर्क : ९८४९४७२४८६

आयो नून खाउँ स्वस्थ रहौ

जाउँदेल्ला आयो आयो नून खाउँदेल्ला खाउँदेल्ला खाउँदेल्ला

आयोनूनको संरक्षित रूप दिव्यविहः

- १००% शुद्ध नूनको, ०% चर्को नूनको, ०% चर्को नूनको
- १००% शुद्ध नूनको, ०% चर्को नूनको, ०% चर्को नूनको
- १००% शुद्ध नूनको, ०% चर्को नूनको, ०% चर्को नूनको
- १००% शुद्ध नूनको, ०% चर्को नूनको, ०% चर्को नूनको
- १००% शुद्ध नूनको, ०% चर्को नूनको, ०% चर्को नूनको
- १००% शुद्ध नूनको, ०% चर्को नूनको, ०% चर्को नूनको

संज्ञा ट्रेड च्याङ्कल लिमिटेड
संस्थापक: श्री. ए. व. १९९९, काठमाडौं, काठमाडौं, नेपाल, काठमाडौं, २०००००
फोन: ९७७-१-४२२२२२२, ४२२२२२२, ४२२२२२२, ४२२२२२२

यैँ महानगरय् च्वंपिन्त निःशुल्क डाइलोसिस



स्विनिगःया जलास्यै पीडित जनतायात राहत बीकथं डायलोसिस याकेगु यैँ महानगरपालिका व आर्मी अस्पतालया दथुइ सहमति जगु दु ।

थुगु सेवा नेपाली सेनाया वीरेन्द्र अस्पताल, छाउनीइ जलास्यै पीडिततसें सेवा काय्फइगु जगु दु ।

प्रधानसेनापति पूर्णचन्द्र थापा व यैँ महानगरपालिकाया प्रमुख विद्यासुन्दर शाक्य दथुइ नागरिकयात जैलास्ये ल्वय्या नितिं वासः याकेगु समझदारी पतिइ लहाःचिं तयादीगु खः ।

थुगु सेवा यैँ महानगर दुने ज्या यानाच्चिपिं सरकारी कर्मचारीया हकय् लागू जुइगु खः ।

थुगु उपचार महानगरपालिकाया सिफारिस अनिवार्य यानातःगु दु ।

थ्व स्वयां न्ह्यः सैनिक अस्पतालय् सर्वसाधारणं दुर्घटना जगु इलय् आकस्मिक सेवाया जक ब्यवस्था जुयाच्चंगु खः । सेनाया नेपालगञ्जय् दुगु अस्पतालय् नं प्रदेशनाप जैलास्ये सम्बन्धि ल्वय्या उपचार यायगु समझदारी जगु खः ।

उगु समझदारी पतिइ लहाःचिं तय्थुंकाः यैँ महानगरया प्रमुख शाक्य थुगु ज्या ऐतिहासिक जगु धयादिल । अथे हे, सेनाया बलाधिकृत रथी शरदकुमार गिरी, बलाध्यक्ष रथी गौरव तण्डुल व यैँ महानगरया उप-प्रमुख हरिप्रभा खड्गीपिनिगु नं उपस्थिति दुगु खः ।

फोहोर व्यवस्थापनय् पंगः थनिपिं मनूत मालेत प्रमुख शाक्यया इनाप



फोहोर व्यवस्थापनय् पंगः थनिपिं मनूत, संस्था, समुदाय व संरचना लुइकेत यैँ महानगरपालिकाया प्रमुख विद्यासुन्दर शाक्य वातावरण व्यवस्थापन विभागयात निर्देशन बियादीगु दु ।

बिभागं यानाच्चंगु ज्याया जानकारी काय्गु इवल्य प्रमुख शाक्य जनशक्ति अभाव मजुसां ज्या यायत व्यक्तिगत अभिलाषा व थःत केन्द्रय् तयाः ज्या याइगुलिं समस्या जगु धयादिल ।

थ्व हे इवल्य संस्थागत निर्णय

कार्यान्वयनय् समस्या हइमह मनू वा पुचः सु खः ? थुकिया जानकारी बीत नं इनाप यानादिल । प्रमुख शाक्य फोहोरमैला व्यवस्थापन मजिजमगाःगु सेवा जगुलिं इलय् बांलाकक यायमाःगु खँय बः बियादिगु दु ।

अथे हे, वातावरण व्यवस्थापन विभागया प्रमुख हरिकुमार श्रेष्ठ ओखरपौवाय् क्षमता क्वचाःगु व बच्चरे डाँडाय् पूर्वाधार तयार मजुगुलिं ल्याण्डफिल्ड साइट महानगरया नितिं हाथ्याः जगु धयादिल ।

के-हबया नितिं महानगर व युएनडिपि दथुइ सम्भौता

काठमाडौं मेट्रोपोलिटन सिटी हब (के-हब) ज्याइवःया नितिं यैँ महानगरपालिका व संयुक्त राष्ट्रसंघीय विकास कार्यक्रम (युएनडिपि) दथुइ सम्भौता जगु दु ।

राष्ट्रिय सभागृहस ग्वसाः ग्वःगु उगु ज्याइवल्य यैँ महानगरया प्रमुख विद्यासुन्दर शाक्य व युएनडिपिया आवासीय प्रतिनिधि आइसानी मेडागाञ्जोडा लबेपाखें ल्याय् म्हपिं दथुइ उद्यमशीलताया आधारित तथा उत्पादनमूलक ज्याइवः यायगु सम्भौता जगु खः । उगु ज्याइवल्य यैँ महानगरया प्रमुख शाक्य भूसं सार्वजनिक, निजी व

सामुदायिक क्षेत्रय् जानाः सहर ल्याय्महतयगु नितिं थ्व ज्याइवः न्ह्याकागु धयादिल । थःगु थासय् आय आर्जनया सम्भावना मखनाः ज्याया नितिं बाध्यताबश बिदेश वनेमाःपि सहरि ल्याय्महिपिन्त सहभागी यायगु नं धयादिल ।

अथे हे, सहरि योजना आयोगया दुजः डा. कीर्ति कुसुम जोशी भूसं थजाःगु ज्याइवल बिदेशय् ज्याया वनीपिं म्हो जुइगु व थजाःगु ज्याया नितिं हःपाः बियाः वइगु निर्देशन दुने म्होति नं न्यागु उद्योग सञ्चालन यायगु नं धयादीगु दु ।

सांसद जीवनरामपाखें भजनयात बाद्यज्वलं ग्वाहालि

यैँ महानगरपालिका १९ वडा दोकाधःस्थित श्री बालगोपाल भजन संचालन संस्थायात सभासद् जीबनराम श्रेष्ठ बाद्यज्वलं ग्वाहालि यानादीगु दु । वंगु आइतबाः दोकाधलय् छगू ज्याइवःया दथुइ सांसद श्रेष्ठ थःगु जन्मदिं लाकाः उगु ज्वलंत संस्थायात लःल्हानादीगु खः । थःगु जन्मदिंया लसताय् थुकथंया पुण्य ज्या यायेदयाः थःत आनन्दया अनुभूति जगु श्रेष्ठ धयादिल । ज्याइवल्य कामपा १९ वडाध्यक्ष शशीलाल श्रेष्ठ व १८ वडाध्यक्ष न्हुँकाजी महर्जनया नं उपस्थिति दुगु खः । ज्याइवः संस्थाया नायः अम्बिका सिंहया अध्यक्षताय् जगु खः ।



चन्द्रागिरी...

‘सरकारं क्वःछ्यगु मापदण्ड दुने च्वनाः वातावरणय् प्रतिकूल लिचः लाइगु खँयात तर्कबिचाः यानाः न्ह्युअत्याधुनिकप्रविधियात नालाः जिमिसं उद्योग न्ह्याकाच्वनागु दु’ ब्वज्याय् कुहांवःमह छह प्रदर्शनकारी धाल, ‘छुं सीमित मनूतसें थःगु निहीत स्वार्थया नितिं भ्रामक प्रचारबाजी यानाः उद्योगय् आश्रित द्वलंढःया मजदुरतय् बिचल्ली यायत स्वःगु जक मखु, स्थानीय दैँ न्ह्यःनिसें न्ह्याकावःगु उद्योग बन्द यानाः भारतं आयात यायत स्वयाच्चंगु कमिसनया कासा नं खः थ्व ।’

सर्तुंगः, बलम्बु क्षेत्रय् थौकन्ह्य १२गु अप्पा उद्योगय् द्दःमह स्वयां आपाः मजदुरत ज्या यानाच्चंगु दुगु उद्योगीतय् धापू दु । अप्पा उद्योग न्ह्याकेत स्थानीयया समर्थन दु धकाः च्वयातःगु प्लेकार्ड, ब्यानरलिसें प्रदर्शनय् कुहांवःपिं मजदुर, उद्योगी, स्थानीय नगरपालिका वनाः ध्यानाकर्षण पौ नं लःल्हाःगु खः ।

थुगुसी...

गृह मन्त्रालय नं बेरुजु फर्ख्योतय् प्रत्यक्ष संलग्न जुयादीपि न्याम प्रहरी कर्मचारीयात

म्हति च्याहः तका सिरपाः लःल्हायगु क्वःछ्यगु खः । वंगु मंसिर २४ गते च्वंगु मन्त्रीस्तरीय क्वःछिनापाखें प्रहरी महानिरीक्षक खनालयात सिरपाः लःल्हायगु क्वःछ्यगु गृह मन्त्रालयं न्ह्यथंगु दु ।

प्रहरी महानिरीक्षक खनालं नेतृत्व याय् थुंकाः भिगु ज्या मध्ये सांगठनिक सट्टीकरण, आन्तरिक शुद्धीकरण व भ्रष्टाचार शून्य सहनशीलताया नीति ज्वनाः न्ह्याःगु खः । खनाल महानिरीक्षक जुइ थुंकाः निक्वःतक प्रहरी बेरुजु फर्ख्योतय् उत्कृष्ट जुइत ताःलाःगु खः ।

ध्वाखाबहाःया...

धाःसा याय् मफइगु छुं नं म्दु धइगु थुगु नासः द्यःया देगः जिर्णोद्धारया ज्यां प्रमाणित याःगु धयादिसें नासःद्यः देगः पुनःनिर्माण तथा संरक्षण समिति यात च्वछानादिल । “भीगु खः भीसं यायमाः धकाः स्थानीय जनसमुदाय न्ह्यचिल धाःसा थन सांस्कृतिक मूर्त अमूर्त सम्पदा संरक्षण बांलाक जुइ ।” वय् कलं धयादिल । स्थानीय संस्कृति, सम्पदाया संरक्षण यानाः आधुनिक प्रविधियात नं लिनाः न्ह्याःवनेफूसा नेवाः समाजया उत्थान याकनं

जुइगु शाक्यया धापू खः ।

अथे हे, यैँ महानगरपालिका वडा ल्याः २५या वडाध्यक्ष नीलकाजी शाक्य नेवाःत प्रशासनिक क्षेत्रय् यक ल्यूने लानावंगु खँ न्ह्यथनादिसें आः अभिभावकपिन्सं थः मस्तयत् विदेशय् छ्वयेगु मखु, प्रशासनिक क्षेत्रय् छ्वयाः सचिव, मुख्य सचिव दथुकेगु स्वयमाःगु धयादिल । प्रशासनिक क्षेत्रय् दखल मदयाः हे नेवाः समाज भन्नु ल्यूने लानावंगु वडाध्यक्ष शाक्य धयादिल ।

जिर्णोद्धार ज्याया ल्याःचाः न्ह्यब्वयादिसें समिति या दांभरिं नाति प्रजापति देगः पुनःनिर्माणया नितिं १०गु लख २६६ः व ६४५ तका मुंगु व ल्यं दुगु धेबा देगःया ल्हवनेज्याया नितिं कोषय् जम्मा यानातयगु जानकारी बियादिल । ज्याइवल्य देगः पुनःनिर्माणया नितिं ५६ः तका च्वय् ग्वाहालि यानादीपिं दातापिन्त खादा न्ययकेगु लिसें सुभाय् पौ लःल्हानाः सम्मान नं याःगु खः । देगःया पुनःनिर्माण वंगु असरया न्हापांगु वालनिसें न्ह्याःगु खः । लच्छिया दुने हे पुनःनिर्माण क्वचाय्केगु आज्जु खःसां ठेकेदारया लापरवाहिं भचा अप्वः ई काःगु समिति या नायः बुद्धराम महर्जन धयादिल ।

छत्रपाटी चिकित्सालयस मिसा ल्वय्या शिविर जुल



छत्रपाटी निःशुल्क चिकित्सालयया ग्वसालय लयलय पतिकं न्हापांगु सञ्चरवाः जुइगु निःशुल्क स्वास्थ्य शिविर ज्याइवःकथं पुस ५ गते प्रसूति तथा स्त्री रोग सम्बन्धि स्वास्थ्य शिविर जुल । उगु स्वास्थ्य शिविरय् डा. दुर्गा शाक्य, डा. सागरीका थापा व डा. रसिला अमात्यपिन्सं जाँचय् यानादीगु खः । १५०मह स्वयां अप्वःसिनं ब्वति काःगु उगु स्वास्थ्य शिविरय् ल्याव टेष्टय् ३०गु प्रतिशत छ्यापं व अल्ट्रासाउण्ड सितिकं याःगु खः ।

वालवालिका माथि हुने हिंसा, दुर्व्यवहार शोषण भएको जोखिमपूर्ण अवस्थामा रहेको वा वालअधिकारको उल्लंघन भएको छ भने वाल हेल्पलाइन पैसा नलाग्ने फोन नं. १०९८ मा खबर गरौं ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

उदाय सःया १५० ब्वया लसताय नेवाः पत्रकारपिंत हना

रेडियो उपत्यका ८७.६स उदाय समाज न्ह्याकाचवंगु उदाय सः एफएम ज्याइवःया १५०ब्व थ्यंगु लसताय यैयू लसता ज्याइवः याःगु दु । उदाय समाजया नायः रुपज्योति कंसाकारया सभाध्यक्षताय जूगु ज्याइवल्य “उदाय सः” ज्याइवःया पुचः व ज्याइवःया नितिं ग्वाहालि याःपिं ग्वाहालिमिपिं लिसें नेवाः पत्रकारपिन्त नं हंगु खः ।

ज्याइवल्य उदाय सः एफएम ज्याइवल्य उदाय सः एफएम कर्मिताया

कजि डा. ज्ञानेन्द्ररत्न तुलाधरं उदाय सः ज्याइवः न्ह्याःगु इलयया संघर्षलिसें आःया अवस्थायात कयाः जानकारी याकादीगु खः । उगु हे ज्याइवल्य उदाय समाजया ग्वसालय वइगु चैतं थेरवाद भिक्षुपिन्त मुंकाः यायत्यंगु स्वक्वःगु मंकाः संघदानयात कयाः नं जानकारी ब्युगु खः ।

ज्याइवल्य उदाय सः एफएम संचालनया नितिं नीस्वंगु अक्षयकोषया



दातापिंलिसें ज्याइवःया स्क्रिप्ट च्वमि सुगतरत्न सिन्दुराकार, उदाय सः ज्याइवः न्ह्याकामि विगेन तुलाधरयात नं हंगु खः । उकिया नापं नेवाः पत्रकार राष्ट्रिय दबूया न्हूगु निर्वाचित केन्द्रीय कार्यसमितिया पदाधिकारी व दुजःपिन्त नं हनेज्या जूगु खः । हनेज्याया इवल्य उदाय समाजया नायः डा रुपज्योति कसालं खादां क्वखायुका दिलसा प्रचण्डमान बज्राचार्य मतिनाया चिं

लःल्हानादीगु खः । अथे हे, समाजया न्वक् ड. प्रेमरत्न स्थापित सिन्हः तिकादिल ।

ज्याइवल्य नेवाः पत्रकार राष्ट्रिय दबूया नायः सुरजबीर बज्राचार्य छुं नं ज्याइवः यायगु अथवा छगू निगू ब्व बांलाक्क यायगु तःधंगु खं मखूगु तर १५०ब्व बांलाका न्ह्याकाचवनेगु हाथ्यालं जाःगु खं जूगु धयादिसें उदाय सः पुचःयात भिन्तुना देखनादिल ।

भितुना



यै महानगरपालिकाया २५क्वःगु महानगर दिवसया इवल्य

सुशासन पत्रकारिता

सिरपालं सम्मानित जूगुलिं लहना वाःपौया प्रकाशक लिसें लहनान्यूज डट कमया सम्पादक

नृपेन्द्रलाल श्रेष्ठ

यात आपालं आपाः भिन्तुना देखासें प्रगतिया कामना यानाच्वना ।

मा छगू फरक अभिव्यक्ति

सकल जः

भितुना



नेवाः गुथिया छ्याञ्जे नृपेन्द्रलाल श्रेष्ठयात यै महानगरपालिकाया २५ क्वःगु दिवसया लसताय “सुशासन पत्रकारिता सिरपाः”

व दुजः जुजुमान महर्जनयात १६ क्वःगु राष्ट्रिय ज्यापु दिवसया लसताय “ज्यापु शिक्षा प्रतिमा” पाखें सम्मानित जुयादीगुलिं भितुना देखनाच्वना ।

पबित्र बज्राचार्य

जितेन्द्र बिलास बज्राचार्य

जितेन्द्र साय्मि

प्रमिला ताम्रकार

उत्तम शाक्य

ऐश्वर्य श्रेष्ठ

राज्यकुमारी राजवन्त

समुदाय-प्रहरी साभेदारी
Community-Police Partnership
[Nepal Council & Seema Society]

स्वयम्भू जाओँ, नेपाल भ्रमण वर्ष मनाओँ ।
यही २०७६ पुष १६ गते बुधवारदेखि पुष २२ गते मंगलवारसम्म
भईखेलचौर, स्वयम्भूमा जाओँ ।

समुदाय-प्रहरी साभेदारी कार्यक्रम अन्तर्गत
का.म.पा. १५ वडा समिति
को आयोजनामा हुने
नेपाल सरकारको आह्वानमा
नेपाल भ्रमण वर्ष २०२० कार्यक्रमको प्रवर्द्धन गर्न

साथै विविध
सांस्कृतिक कार्यक्रम
सहित
फूड फेस्टीवल र
घरेलु तथा हस्तकला
प्रदर्शन

साप्ताहव्यापी स्वयम्भू सांस्कृतिक कार्यक्रम
मा सहभागी भईदिनु हुन अनुरोध गर्दछौं ।

सेमिनार वा कार्यक्रमया नितिं लञ्च बक्सया डोर टु डोर सर्भिस यायगु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।

Delicious Sweets

बिगबेल
BIG BELL
Sweet & Snacks Pvt. Ltd.

Kamaladi, Ganeshthar
Kathmandu, Nepal
Tel: 01 4247075, 014244323